

ШАРТНОМА № 5-ТЗ

Техник топшириқларни ахборот ва киберхавфсизлик талабларига мувофиқлиги бўйича экспертизадан ўтказиш тўғрисида

Тошкент ш.

« 08 » 01 2022 й.

Кейинчалик “Ижрочи” деб аталадиган “Киберхавфсизлик маркази” ДУК номидан Устав асосида иш кўрувчи директор **Дмитрий Евгеньевич Чиченков** бир томондан, кейинчалик “Буюртмачи” деб аталадиган Ўзбекистон Республикаси Тиббий-ижтимоий хизматларни ривожлантириш агентлиги номидан Устав асосида иш кўрувчи директор А. К. Инаков иккинчи томондан, биргаликда “Томонлар” деб аталадиган, қуйидагилар тўғрисида ушбу шартномани (кейинчалик – Шартнома) тузишди.

1. ШАРТНОМА ПРЕДМЕТИ

1.1 Ижрочи “Тиббий-ижтимоий хизматларни ривожлантириш агентлиги тизимида тиббий хужжатлар, ҳисоботлар ва бошқа маълумотлар айланишини рақамлаштиришни таъминловчи “ижтимоий хизмат” электрон платформасини яратиш” бўйича техник топшириқни ахборот ва киберхавфсизлик талабларига мувофиқлиги бўйича экспертизадан ўтказиш хизматини кўрсатади (кейинчалик - экспертиза).

Буюртмачи кўрсатилган хизматларни қабул қилади ва тўловни амалга оширади.

1.2. Экспертиза предмети:

а) Ўзбекистон Республикасининг норматив-ҳуқуқий ҳужжатлари ва техник жиҳатдан тартибга солиш соҳасидаги норматив ҳужжатларига ҳамда халқаро стандартларга мувофиқлиги;

б) лойиҳаларда халқаро талабларга жавоб берадиган замонавий воситаларнинг қўлланиши;

в) ахборот ва киберхавфсизликнинг таъминланганлиги;

г) ахборот технологияларининг тўғри танланганлиги.

1.3. Техник топшириқнинг Ўзбекистон Республикаси норматив-ҳуқуқий ҳужжатлари ва техник жиҳатдан тартибга солиш соҳасидаги норматив ҳужжатларига мувофиқлиги даражасини белгилайдиган хат/хулосанинг электрон почта орқали ёки Давлат фельдегерлик хизматининг каналлари воситасида (қоғоз шаклида) Буюртмачига тақдим қилиниши экспертиза натижаси бўлиб ҳисобланади.

1.4. Ижрочи экспертизани ўтказиш регламенти талабларига мувофиқ ҳолда ишларнинг сифатли бажарилишини кафолатлайди.

1.5. Ушбу Шартномада ҳисобга олинмаган қўшимча иш ҳажмлари пайдо бўлган тақдирда, Томонлар ўртасида Шартномага тегишли қўшимча битим тузилади.

1.6. Экспертиза натижалари бўйича Ҳисобот (хулоса)нинг Буюртмачига юборилган (етказиб берилган) санасида экспертиза яқунланган деб ҳисобланади.

1.7. Экспертиза Ижрочининг кўрсатилган жойлашган жойи бўйича амалга оширилади. Агар Ижрочининг мутахассисларига Тошкент шаҳри ичида жойлашган бошқа объектларга чиқиш зарурати туғилса, Ижрочи харажатларни ўзи қоплайди.

1.8 Ушбу Шартномани бажариш билан боғлиқ ва Буюртмачининг харажатлари сифатида Томонлар билан келишилмаган барча харажатларни Ижрочи ўз маблағлари ҳисобидан қоплайди.

2. ХИЗМАТЛАР НАРХИ ВА ТЎЛОВ ТАРТИБИ

2.1. Ушбу Шартноманинг нархи 15% ҚҚСни ҳисобга олган ҳолда киши/соат учун **197 690 (бир юз тўқсон етти минг олти юз тўқсон) сўм** ҳисобидан келиб чиқиб белгиланади.

Экспертиза бўйича меҳнат сарфининг дастлабки ҳажми **45 киши/соатни** ташкил этади, Шартноманинг дастлабки нархи 15% ҚҚСни ҳисобга олган ҳолда **8 896 050 (саккиз миллион саккиз юз тўқсон олти минг эллик) сўмни** ташкил этади.

Агар объектив сабабларга кўра бирор тадбирни бажаришга кўпроқ ёки камроқ вақт сарфланадиган бўлса ёки ишлар рўйхати ёки таркибини ўзгартириш зарурати туғилса, Томонларнинг ўзаро келишувига кўра, қонунчиликда белгиланган тартибда Шартномага ўзгартириш ва қўшимчалар киритилади.

2.2. Ҳисоб-китоблар Ижрочининг банкдаги ҳисоб рақамига тўлов топшириқномалари асосида пул маблағларини ўтказиш орқали амалга оширилади.

2.3 Ушбу Шартнома рўйхатдан ўтган кундан бошлаб **10 (ўн) банк куни** ичида Буюртмачи Ижрочининг ҳисоб рақамига Шартнома тахминий суммасининг **30 фоизи** миқдорида олдиндан тўлов ўтказди, бу **2 668 815 (икки миллион олти юз олтинчи саккиз минг саккиз юз ўн беш)** сўмни ташкил этади.

2.4. Иш якуни натижалари бўйича Ижрочи кўрсатилган хизматларни топшириш-қабул қилиш далолатномаси (бундан кейин - Далолатнома) билан бирга техник топшириқ бўйича таклиф ва эътирозлар мавжудлиги/йўқлиги тўғрисида хатни/хулосани Буюртмачига тақдим этади.

2.5. Буюртмачи агар эътирозлари мавжуд бўлмаса Ижрочи томонидан тақдим этилган Далолатномани имзолайди. Далолатнома имзоланган тақдирда, Ижрочи Далолатнома имзолангандан кейин **5 (беш) банк куни** ичида Буюртмачига белгиланган шаклдаги ҳисоб-фактурани тақдим этиши лозим. Бундай ҳолда, аванс суммаси хизматларни тақдим этиш учун якуний тўловни ҳисоблашда ҳисобга киритилиши керак.

2.6. Иш умумий қийматининг **70 фоизи миқдоридаги** якуний тўлов **ҚҚСни ҳисобга олган ҳолда 6 227 235 (олти миллион икки юз йигирма етти минг икки юз ўттиз беш) сўмни** ташкил этади ва Буюртмачига ҳисоб-фактура тақдим этилган кундан бошлаб **5 (беш) банк куни** мобайнида тўланиши лозим.

3. БУЮРТМАЧИНИНГ МАЖБУРИЯТЛАРИ ВА ЖАВОБГАРЛИКЛАРИ

3.1. Буюртмачи бажарилган ишларни тўлиқ ҳажмда ва Шартномага мувофиқ Ижрочидан қабул қилиш ва ушбу Шартноманинг 2-бўлими талабларига мувофиқ тўлов қилиш мажбуриятини олади.

3.2. Буюртмачи экспертиза ўтказиш учун дастлабки маълумот сифатида Ижрочига бериладиган маълумотларнинг тўғрилиги учун жавобгардир.

4. ИЖРОЧИНИНГ МАЖБУРИЯТЛАРИ ВА ЖАВОБГАРЛИКЛАРИ

4.1. Ижрочи экспертиза ишларини шартнома тузилган вақтдаги объектнинг ҳолати тўғрисидаги дастлабки маълумотларга мувофиқ амалга оширишни, эксперт хулосасини тасдиқлашни ва Буюртмачига тақдим этиш мажбуриятини олади.

4.2. Ижрочи хизматларнинг сифатли кўрсатилиши учун жавобгардир.

5. ЭКСПЕРТИЗА ЎТКАЗИШ ТАРТИБИ

5.1. Шартнома бўйича хизматлар тўғридан-тўғри Ижрочининг иш жойида амалга оширилади. Буюртмачи Ижрочига тасдиқланган техник топшириқнинг сканерланган версиясини тақдим этади. Зарурат туғилса, Ижрочи Буюртмачининг Тошкент шаҳридаги объектларига ташриф буюриши мумкин.

5.2. Ижрочи шартноманинг 2.3-бандида белгиланган тартибда ва миқдорда ҳисоб рақамига пул маблағлари тушган кундан бошлаб **3 (уч) иш куни** ичида ҳамда тасдиқланган техник топшириқнинг сканерланган версияси Ижрочида мавжуд бўлган тақдирдагина хизматни кўрсатишга киришади.

5.3. Хизматни кўрсатиш Ижрочининг ҳисоб рақамига пул маблағларини келиб тушган пайтдан бошлаб бир ой ичида амалга оширилади ва Буюртмачи экспертиза натижалари тақдим этилгандан кейин техник топшириқ бўйича аниқланган камчиликларни бир ой ичида бартараф этиши лозим.

5.4. Томонлар электрон ҳисобга олишни қўллаш ва электрон почта орқали бир-бирига расмий ҳужжатларни юбориш ҳуқуқига эга. Шартномада кўрсатилган электрон почта манзили Томонларнинг расмий электрон манзилidir.

Буюртмачининг электрон почта манзили – tixra@ssv.uz

Ижрочининг электрон почта манзили – info@csec.uz.

5.5. Томонлар ҳар куни электрон почталарини текширишни ва бир-бирларидан келиб тушган сўров ва маълумотларга ўз вақтида жавоб беришни ўз зиммаларига оладилар.

5.6. Ижрочининг ёки уни вакилларининг (мутахассислар) талабига биноан Буюртмачи зарур ҳужжатларни қоғоз шаклда тақдим этади.

5.7. Тақдим этиладиган таклиф ва эътирозларнинг (мавжуд бўлган тақдирда) сўнгги саҳифасида эксперт гуруҳи ҳар бир аъзосининг имзо (виза) қўйиши орқали экспертиза натижалари хулоса шаклида расмийлаштирилади. Ижрочи экспертиза хулосасини Ижрочининг корхонасида ўрнатилган ҳужжатлар билан ишлаш тартибига мувофиқ ўз архивида сақлайди.

5.8. Экспертиза хулосаси Ижрочининг расмий хати орқали Буюртмачига юборилади.

5.9. Экспертиза хулосаси Буюртмачининг мулки ҳисобланади. Эксперт гуруҳ аъзолари ва хулоса натижаларининг барча олувчилари унинг мазмуни махфийлигини таъминлаши керак, Ўзбекистон Республикаси қонунларида бевосита назарда тутилган ҳолатлар бундан мустасно.

5.10. Ишларни қабул қилиш Буюртмачи томонидан Ижрочининг ишларни топширишга тайёрлиги тўғрисидаги хабари олинганидан кейин **2 (икки) иш кўни** ичида амалга оширилади.

5.11. Буюртмачи томонидан ишларни қабул қилиш Томонлар ўртасида имзоланадиган далолатнома билан расмийлаштирилади.

6. ТАРАФЛАРНИНГ ЖАВОБГАРЛИГИ

6.1. Томонлар, мажбуриятларни бузганлик учун Ўзбекистон Республикасининг амалдаги қонунчилиги ва Шартномага мувофиқ жавобгар бўладилар.

6.2. Хизмат кўрсатиш муддатларини бузганлиги учун Буюртмачи Ижрочидан ҳар бир кечиктирилган кун учун ўз вақтида кўрсатилмаган хизмат нархининг 0,5% миқдорида, бироқ ушбу нархнинг 50% фоизидан кўп бўлмаган миқдорда пеня тўлашни талаб қилишга ҳақлидир.

6.3. Хизмат учун тўлов муддатларини бузганлиги учун Ижрочи Буюртмачидан муддати ўтказиб юборилган ҳар бир кун учун муддати ўтган тўлов суммасининг 0,5% миқдорида, бироқ муддати ўтган тўлов суммасининг 50% фоизидан кўп бўлмаган миқдорда пеня тўлашни талаб қилишга ҳақлидир.

6.4. Шартномада кўзда тутилмаган бошқа барча жавобгарлик турлари Ўзбекистон Республикасининг амалдаги қонунчилигига мувофиқ белгиланади.

7. ШАРТНОМАНИ БЕКОР ҚИЛИШ

7.1. Шартномага киритилган ҳар қандай ўзгартириш ва қўшимчалар, агар улар ёзма равишда расмийлаштирилган ва иккала томон тарафидан имзоланган бўлса юридик кучга эга бўлади ва Шартноманинг ажралмас қисми ҳисобланади.

7.2. Шартномани муддатидан олдин бекор қилиш Ўзбекистон Республикасининг амалдаги қонунчилигига мувофиқ томонларнинг келишуви ёки бир томонлама тартибда Шартнома шартларининг Ижрочи томонидан бузилиши натижасида иш сифати пасайган ҳолатда бўлиши мумкин.

7.3. Шартнома Буюртмачи томонидан муддатидан олдин бекор қилинса, Буюртмачи томонидан Шартнома бўйича қабул қилинган ишларнинг бажарилган ишлар (кўрсатилган хизматлар) ҳажмига мос қиймати тўланади.

7.4. Шартноманинг бекор қилинган санаси деб, Ижрочининг шартнома бекор қилинганлиги тўғрисидаги хабарни олган санаси ҳисобланади.

8. ФОРС МАЖОР

8.1. Агар мажбуриятларни бажармаслик енгиб бўлмас куч ҳаракатлари яъни зилзилалар, иш ташлашлар, жанглار ёки томонларга боғлиқ бўлмаган бошқа ҳолатлар (форс-мажор) оқибатида юзага келган бўлса, Томонлар Шартнома бўйича мажбуриятларни тўлиқ ёки қисман бажармаганлик учун жавобгарликдан озод қилинади.

8.2. Ҳар қандай бундай ҳолатлардан бири Шартномада белгиланган муддатларда мажбуриятларнинг бажарилмаслигига бевосита олиб келган бўлса, унда ушбу муддатлар тегишли ҳолатлар давомийлигига мутаносиб равишда узайтирилади.

8.3. Агар ушбу ҳолатлар **2 (икки)** календарь ойдан кўпроқ давом этса, унда Томонларнинг ҳар бири Шартномани бажариш имконияти йўқлиги муносабати билан уни бекор қилиш ташаббуси билан чиқишга ҳақли. Томонлар шартномани кўрсатилган асосларга кўра бекор қилиш тўғрисида қарор қабул қилган тақдирда, Томонларнинг ҳеч бири бундан келиб чиқиши мумкин бўлган йўқотишларни қоплаш ҳуқуқига эга бўлмайди.

8.4. Шартнома бўйича ўз мажбуриятларини бажара олмайдиган Томон ўз вақтида, лекин, энгиб бўлмас ҳолатлар юзага келганидан кейин **10 (ўн) кундан** кечиктирмай, ваколатли органлар томонидан берилган асословчи ҳужжатларни тақдим этган ҳолда бу ҳақда бошқа Томонни ёзма равишда хабардор қилиши керак.

8.5. Форс-мажор ҳолатлари юзага келганлиги тўғрисида хабардор қилмаслик ёки ўз вақтида хабар бермаслик Томонни мажбуриятни бажармаслик учун жавобгарликдан озод қилиш учун асос сифатида юқорида кўрсатилган ҳолатлардан бирини важ қилиб кўрсатиш ҳуқуқидан маҳрум қилади.

9. МАХФИЙЛИК

9.1. Томонлар, махфий маълумотларни ошкор қилмаслик ва улардан Шартнома бўйича мажбуриятларни бажаришдан бошқа мақсадларда фойдаланмаслик мажбуриятини олади.

Томонлардан ҳар қайси бири махфий маълумотларни олувчи ва топширувчи томон сифатида иштирок этиши мумкин.

9.2. Шартноманинг барча шартлари учинчи шахслар учун махфий маълумотлар ҳисобланиб, томонларнинг ўзаро розилигисиз ошкор этилиши мумкин эмас.

Томонлар, шунингдек, Шартномани бажариш пайтида бир-бирлари ҳақида ўзларига маълум бўладиган ҳар қандай ахборот ва маълумотларни ошкор қилмаслик ва бошқаларга бермаслик (фойдаланишга имконият яратмаслик) мажбуриятини олади.

9.3. Махфий маълумотларни қабул қилувчи Томон топширувчи Томондан олинган махфий маълумотларни сақлаш мажбуриятини олмайди ва маълумотлар конфиденциал ҳисобланмайди, агар:

- маълумотларнинг ошкор қилиш санасида, қабул қилувчи томоннинг айбисиз жамоатчилик ушбу маълумотлардан хабар топган бўлса;

- махфий маълумотлар Томонлар қонунчилигига биноан ёки судларнинг ёхуд бошқа ваколатли давлат органларининг қарорига биноан ошкор этилиши лозим бўлса (шарти шуки, агар ушбу маълумотни узатилишидан олдин қабул қилувчи томон узатувчи томонни ёзма равишда хабардор қилиш бўйича барча саъй-ҳаракатларни амалга оширса);

- маълумотлар, уларни ошкор қилиш пайтида, уларни тарқатиш ҳуқуқига эга бўлган учинчи шахсдан олинган бўлса.

9.4. Махфий маълумотлар ваколатли давлат органларига уларнинг сўровига биноан, бошқа Томонни бу ҳақда дарҳол хабардор қилиш шarti билан тақдим этилиши мумкин, бу уни ошкор қилиш учун жавобгарликни келтириб чиқармайди.

9.5. Қабул қилувчи томонга топширилган, махфий маълумотларни ўз ичига олган барча ҳужжатлар (ахборотни ташувчи туридан қатъий назар), шу жумладан нусхалари, улардан фойдаланиш тугагандан сўнг ёки топширувчи Томоннинг тегишли сўровига биноан дарҳол (беш кундан кечиктирмасдан) топширувчи томонга қайтарилиши керак.

9.6. Томонларнинг махфий маълумотларни ҳимоя қилиши, уларнинг махфийлиги йўқолгунига қадар амалга оширилади.

10. НИЗОЛАРНИ КЎРИБ ЧИҚИШ

10.1. Шартномадан келиб чиқадиган низоларни судгача ҳал қилиш бўйича талабнома юбориш тартиби Томонлар учун мажбурийдир.

10.2. Талабномалар томонлар тарафидан қоғоз шаклида ёки буюртма почта жўнатмаси билан Томонлар жойлашган жойи бўйича тақдим этилгани тўғрисида хабардор қилиш орқали юборилади.

10.3. Талабномани кўриб чиқиш муддати, у олинган кундан бошлаб **15 (ўн беш) календарь кун**и ҳисобланади.

10.4. Томонлар зудлик билан тўланиши лозим бўлган ҳал этилмаган барча даъволар бўйича бир-бирларини ёзма равишда дарҳол хабардор қилишлари шарт.

10.5. Томонларнинг Шартнома бўйича ўз мажбуриятларини бажармаслиги муносабати билан юзага келадиган ҳал қилинмаган низолар Ўзбекистон Республикаси қонунчилигига мувофиқ суд тартибида Тошкент туманлараро иқтисодий судида ҳал қилинади.

11. БОШҚА ШАРТЛАР

11.1. Ушбу Шартномага киритилган ҳар қандай ўзгартириш ва қўшимчалар, агар улар ёзма равишда расмийлаштирилиб, ҳар икки томондан имзоланган бўлса, қонуний кучга эга ва Шартноманинг ажралмас қисми бўлиб ҳисобланади.

11.2. Шартноманинг барча иловалари унинг ажралмас қисмидир.

11.3. Томонлардан бирининг юридик манзили, реквизитлари ўзгарганда томонлар **3 (уч) календарь кун** ичида тегишли ўзгаришлар тўғрисида бир-бирларини ёзма равишда хабардор қилиш мажбуриятини оладилар.

11.4. Ҳужжатларни тақдим этишда уларни қабул қилиш вақти қуйидагича белгиланади:

– ҳужжатлар почта алоқаси ташкилоти орқали юборилганда - қабул қилинганлиги тўғрисидаги почта хабарномасига мувофиқ қабул қилинган сана;

– бевосита топширилганда - ваколатли вакилнинг ҳужжатларни қабул қилиб олгани тўғрисидаги тилхатининг санаси.

11.5. Шартнома икки нусхада, ҳар бир томон учун биттадан ўзбек тилида тузилди.

11.6. Шартномада кўзда тутилганидан ташқари барча масалалар Ўзбекистон Республикаси қонунчилигига мувофиқ ҳал этилади.

12. ШАРТНОМАНИНГ АМАЛ ҚИЛИШ МУДДАТИ

12.1. Ушбу Шартнома Ўзбекистон Республикаси Молия вазирлиги Ғазначилигида рўйхатдан ўтган кундан эътиборан кучга киради ва 2022 йил 31 мартгача амал қилади.

13. ТОМОНЛАРНИНГ ЮРИДИК МАНЗИЛЛАРИ

«БУЮРТМАЧИ»

“Ўзбекистон Республикаси Тиббий-ижтимоий хизматларни ривожлантириш агентлиги”

Юридик манзил.: Тошкент ш., Шайхонтохур т., Навоий кўчаси, 12 уй
х/р: 2340 2000 3001 0000 1010

“Тошкент ш Марказий банкнинг” ХККМ
МФО: 00 014 СТИР: 306 148 775
ОКЭД: 88 990

Тел/факс (71) 241-02-83, (97) 454-43-30
ШХР 100010860262777076909344001

«ИЖРОЧИ»

«Киберхавфсизлик маркази» ДУК

Юридик манзил.: Тошкент ш., Мирзо Улуғбек т., Дўрмон йўли кўчаси, 31 уй
Амалдаги манзил.: Тошкент ш., Қирк-қиз кўчаси, 10а уй

х/р: 2021 0000 4009 5333 9007

«АлоқаБанк» АТ
МФО: 00 401 СТИР: 305 907 639
ОКЭД: 84 112



А.К.Инаков

2022й.



Д.Е.Чиченков

2022й.



5-ТЗ сон шартномага илова
«08» 01 2022 й.

**Хизмат кўрсатишнинг тасдиқланган
тарифига асосан нархларни ҳисоблаш**

Биз, қуйида имзо чекувчилар, “Буюртмачи” номидан директор А.К.Инаков ва “Ижрочи” номидан директор Д.Е.Чиченков қуйидаги хизматларни кўрсатиш учун Шартноманинг дастлабки нархи тўғрисида келишувга эришилганлигини тасдиқлаймиз.

Кўрсаткичлар	Ўлчаш бирлиги	Миқдори
Техник топшириқларни ахборот ва киберхавфсизлик талабларига мувофиқлиги бўйича экспертизадан ўтказиш		
“Тиббий-ижтимоий хизматларни ривожлантириш агентлиги тизимида тиббий ҳужжатлар, ҳисоботлар ва бошқа маълумотлар айланишини рақамлаштиришни таъминловчи “ижтимоий хизмат” электрон платформасини яратиш” бўйича техник топшириқ		
Киши/соат сони	соат	45
Хизматлар бўйича тасдиқланган тарифларга мувофиқ 1 киши/соат учун тариф	сўм	197 690
ҚҚСни инобатга олган ҳолда жами	сўм	8 896 050

Ушбу ҳужжат Шартноманинг ажралмас қисми бўлиб ҳисобланади.

«БУЮРТМАЧИ»:

“Ўзбекистон Республикаси
Тиббий-ижтимоий хизматларни
ривожлантириш агентлиги”



А.К.Инаков

2022 й.

«ИЖРОЧИ»:

«Киберхавфсизлик маркази» ДУК



Д.Е. Чиченков

2022 й.